



卷四

冕服

衮冕

冕服

十二章之服

鷩冕

大裘而冕

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

米黼若斧形黻為兩已相背色備曰繡周禮典絲凡祭祀共黼畫組就之物

典命上公九命其衣服以九為節侯伯七命其衣服以七

為節子男五命其衣服以五為節王之三公八命其卿

大夫四命及其出封皆加一等其衣服亦如之

命其衣服各眡其命之數侯伯之卿大夫士

命其衣服各眡其命之數侯伯之卿大夫士

書名 禮書一百五十卷 宋刊元修本

撰者 宋 陳祥道 撰

卷四 經 禮 三禮總義 宋

內容分類 索書號 貴重 3

編號 A259500

彩色首頁1

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影像資料庫 原書號: 貴重 3

漢籍善本文影像資料庫 禮書一百五十卷 宋刊元修本

版權所有: 東京大學 東洋文化研究所

使用上的注意事項

褒衣雜記內子復諸侯復公龍衣皆有褒衣鄭氏曰內子
 褒衣者始為命婦見加賜之衣諸侯褒衣亦始命為諸
 侯及朝覲加賜之衣也王制曰三公一命衮若有加則
 賜孔穎達謂九命龍衮之外君衣特賜雜記謂之褒衣
 是矣昔魯季氏取卞使公冶問襄公公與公冶冕服及
 疾聚其臣曰我死必無以冕服斂非德賞也然則復斂
 以褒衣者蓋榮其德賞故也

禮書卷第三

禮書卷第四

諸侯祭服

玄端

素端

緹

武

組

纁


諸侯祭服

玄冕三旒纁就與王如其命之數玄端衣



祭統曰夫人蠶于北郊以共冕服又曰君純冕立于阼
 玉藻曰諸侯玄端以祭裨冕以朝鄭氏謂諸侯祭宗廟
 之服惟魯及二王之後衮冕餘皆玄冕考之雜記大夫
 冕而祭於公弁而祭於己士弁而祭於公冠而祭於己

以其致隆於公不敢與已同其服則諸侯以散鳥毳布冕祭於王端冕祭於已宜矣然玉藻玄端以祭言其服也玄端無章則三旒之冕可知鄭氏易端為冕過矣
素端如之其色不同



周禮司服其齊服有玄端素端鄭康成云亦素服言端者明

異制端者取其正也士之衣袂皆二尺二寸而屬幅是廣衰等也其袷尺二寸大夫已上侈之侈之者蓋半而益一焉半而益一則其袷三尺三寸袷

尺八寸正義曰衣袷二尺二寸喪服記文袷二尺二寸今兩邊袷亦各屬一幅幅長二尺二寸上下亦廣二尺二寸故云屬幅廣衰等袷則長也言皆者玄端玄端二者同也云其袷尺二寸者據玉藻深衣之袷尺二

寸而言也去大夫已上侈之侈之者各半而益一焉半而益一則其袷二寸三寸袷尺八寸者此亦無正文案雜記公凡弁經服其衰侈袷少牢士婦

衣縮衣亦云多袷侈大也鄭以侈為大即以意為半而益一以解之也孔子大袷單衣亦如此也

內則曰子事父母冠綏纓端鞞紳端玄端土服也玉藻天子玄端而朝日於東門之外

卒食玄端而居諸侯玄端以祭端亦當為冕朝玄端夕深衣

謂大夫無君者不貳采大夫去位宜服玄端衾衣小記除殤之喪者其祭也

必玄冠玄端黃裳而祭不朝服未純吉也於成人為釋禫之服樂記魏文侯問於子夏曰

吾端冕而聽古樂則唯恐卧端玄衣也雜記曰端衰喪車皆

無等喪者衣表及所乘之車貴賤同衣表言端者玄端吉時常服喪之衣表當如之子羔之襲素端一公襲

卷衣一玄端一儀禮士冠緇布冠玄端玄裳黃裳雜裳可

卷衣一玄端一儀禮士冠緇布冠玄端玄裳黃裳雜裳可

卷衣一玄端一儀禮士冠緇布冠玄端玄裳黃裳雜裳可

也緇帶爵鞞此暮夕於朝之服玄端則朝服之衣易賓如主人服贊其裳耳上士玄裳中士黃裳下士雜裳

者玄端從之冠者既冠乃易服服玄冠玄端爵鞞見于

君見於鄉大夫鄉先生見服不朝服者非朝事也特牲饋食禮主人冠端

玄論語公西華曰宗廟之事如會同端章甫願為小

相焉荀卿曰端衣玄裳純而乘路志不在於食葷大戴

禮曰武王端冕而受丹書左氏劉定公曰吾端委以治

民臨諸侯禹之力也晏平仲端委以立于虎門晉語董

安于曰臣端委以隨宰人周語曰晉侯端委以入武宮韋昭曰此

士服也諸侯之子未受爵命服士服也穀梁曰免牲者為之緇衣纁裳有司玄端

奉送至于南郊魯二十一年吳夷狄之國也被髮文身欲因魯

而請冠端而襲襲衣冠端玄端鄭氏釋士冠禮謂爵弁純衣絲衣也

餘衣皆用布惟冕與爵弁用絲耳賈公彥曰此據朝服

皮弁服玄端服及深衣長衣之等皆布為之是以雜記

玄朝服十五升布玄端亦朝服之類皮弁亦是天子朝

服深衣或名麻衣故知用布也

司服言及諸侯孤卿大夫士之服而繼之以其齋服有

玄端素端則玄端素端非特士之齋服而已鄭氏曰端

者取其正也士之衣袂皆二尺二寸而屬幅是廣袤等

也其袂尺二寸大夫以上侈之侈之者蓋半而益一則

其袂三尺三寸袂尺八寸然謂之端則衣袂與袂廣袤

等矣無大夫士之辨也果士之袂殺於袂尺非端也大

夫之袂侈以半而益一亦非端也深衣之袂圓長衣之

袂長弔祭及餘衣之袂侈司服凡弔事弁經服雜記凡弁經服其袂侈少牢主婦衣宵衣侈袂儒行曰孔子衣逢掖

之衣首稱曰其衣逢則玄端之袂端可知矣古者端衣或施之於冕

或施之於冠大戴禮曰武王端冕而受丹書樂記曰魏

文侯端冕而聽古樂荀卿曰端衣玄裳純而乘路此施

於冕者也冠禮冠者玄端緇布冠既冠易服服玄冠玄
端特牲禮主人冠端玄內則子事父母冠綏纓端黻鞞
劉定公曰吾端委以治民董安于曰臣端委以隨宰人
公西華曰宗廟之事如會同端章甫以至晉侯端委以
入武宮晏平仲端委以立于虎門此施之於冠者也蓋
玄端齋服也諸侯與士以為祭服玉藻玄端以祭特牲
冠端玄是也大夫士以為私朝之服玉藻朝玄端是也
天子至士亦以為燕服玉藻天子卒食玄端而居內則
事父母端鞞是也然則端衣所用固不一矣記曰齋之
玄也以陰幽思也故祭之冕服皆玄齋之端衣亦玄若
夫朝服天子以素諸侯以緇未聞以玄端也儀禮大夫
祭以朝服士祭以玄端冠禮主人朝服既冠冠者服玄
端雜記公龍朝服一玄端一綖禮自西階受朝服自堂
受玄端則朝玄端異矣玄端皆玄裳或黃裳雜裳可也

鄭氏曰上士玄裳中士黃裳下士雜裳雜裳前玄後黃荀卿曰端衣玄裳繞而乘路志不在於食葷蓋齋則衣裳皆玄非齋則裳不必玄未


聞以素裳也鄭氏釋儀禮謂玄端即朝服之衣易其裳
耳釋玉藻曰朝服冠玄端素裳此說無據服玄端者冠
則緇布冠齋則玄冠特天子齋用冕燕則玄冠而已然
齋或用素端則其冠不玄矣鄭氏曰素端為札荒有所
禱請是也

緇鄭氏曰延冕
之覆在上


弁師掌王之五冕皆玄冕朱裏延紐禮記天子王藻十有二旒前後邃延左傳曰衡紃紃紃國語曰夫人織紃紃先儒謂延冕上覆古者績麻三十升布上玄下朱以表裏冕版三十升則麻之尤精者也書稱康王麻冕黼裳卿士邦君麻冕蟻裳太保太史太宗皆麻冕彤裳孔子曰麻冕禮也今也純儉顏淵問為邦孔子曰服周之冕則古者五冕皆麻至孔子時乃去麻用純然郊冕猶用麻所以示復本也故荀卿曰郊之麻冕喪服之先散麻一也

武

鄭氏曰武冠卷也古者冠卷殊




細



弁師五冕皆細鄭氏曰細小鼻在武上笄所貫也蓋武冠卷也古者居冠屬武則非燕居武不屬於冠也喪冠條屬則非有喪者纓武異材也鄭氏曰條屬者通屈一條繩子若布為武垂下為纓屬之冠子姓之冠編冠玄武不齒之冠玄冠編武則非子姓與不齒者冠武同色也雜記曰委武玄編而后鞮鄭氏謂秦人曰委齊東曰武則武亦謂之委以其若冠之足故曰武以其委於下故曰委蓋古者施冠於首然後加武以約之觀喪大記弔者襲裘加武則武之所設所以約冠也細垂於冕之兩旁其長及武笄以貫之

繅鄭氏曰繅雜文之名合五采絲為之繩於延之前後各十二所謂遠延比王者之制也諸侯而下有差



弁師掌王之五冕五采繅十有二就皆五采玉繅雜文之名也合五

綵絲為之繩垂於延之前後各十一所謂遠延也成也繩之一匝而貫五采

玉十二游則十二玉也每就間蓋一寸朱紘以朱組為紘也紘一條屬兩端於武

繅不言皆有者此謂衮衣之冕十二游則用玉二百八十八散為衣之冕繅九

游用玉二百一十六義衣之冕七游用玉百六十八希衣之冕五游用玉百二十五

衣之冕三游用玉七十二諸侯之繅游九就璫玉三采其餘如玉之事繅

游皆就玉瑱玉笄侯當為公字之誤也三采朱白蒼也其餘謂延細皆

九成則九旒也公之冕用玉百六十二玉瑱塞耳者故書璫作璫者侯及孤卿

鄭司農云繅當為藻繅古字也藻今字也同物同音璫惡玉名

大夫之冕韋弁皮弁弁經各以其等為之而掌其禁令各

其等繅游王璫如其命數也冕則侯伯繅七就用玉九十八子男繅五就用玉五

繅玉皆三采孤繅四就用玉三十二三命之卿繅三就用玉十八再命之大夫藻再

就用玉八藻玉皆朱綠韋弁皮弁則侯伯璫飾七子男璫飾五玉亦三采

孤則璫飾四三命之卿璫飾三再命之大夫璫飾二玉亦二采典絲凡祭

祀共黼畫組就之物以給衣服冕旒及盥巾之屬禮器曰天子之冕朱綠藻

十有二旒諸侯九上大夫七下大夫五士三此以文為貴

也朱綠似夏間禮郊特牲曰王被衮以象天戴冕璪十有二旒則

天數也天之數不過十二玉藻曰天子玉藻十有二旒前後遠延

龍衮以祭雜采曰藻天子以五采藻為旒旒十有二前

弁師王之五冕五采繅十有二就諸侯之繅游九就璫玉三采其餘如王之事繅游皆就諸侯及孤卿大夫之冕各以其等為之掌其禁令鄭氏曰繅雜文之名也合五采絲為之繩垂於延之前後各十二所謂遠延也繩每一匝貫五采玉諸侯繅旒皆就皆三采也每繅九成則九旒也侯伯繅七就子男繅五就孤繅四就卿

纁三就大夫纁再就理或然也然冕五而已未有不設
 纁存者鄭氏謂大裘之冕無旒爵弁如冕亦無旒此不
 可考禮器天子之冕朱綠藻十有二旒諸侯九上大夫七下
 大夫五士三其制與弁師不同異代之禮也蓋藻潔而文
 衆采如之故曰藻水流趨下旗冕之垂者如之故曰旒藻
 或作纁以絲為之或作璪以玉貫之也纁旒或謂之繁
 露以其象然也漢制天子纁旒前長後短諸臣纁旒
 有前無後非古也

禮書卷第四

禮書卷第五

冕

紘

纁綬

瑱

衡

筭


鬠筭

紘

鄭氏曰屈組為紘垂為飾

纁

二組屬於筭順頤而下結之謂之纁纁之垂者謂之綬



弁師掌王之五冕朱紘

朱紘以朱組為紘也

士冠禮緇布